



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registровано kod Kantonalnog suda u Zenici Rj.br: U/I 486/98 od 09.04.1999.

Broj; 01-02- **1029** /21
Zenica, 16.02.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača **JP GRIJANJE DOO ZENICA**, kao najpovoljnije za javnu nabavku radova, **rekonstrukcija postojećih vrelovoda-priključenje objekta Stacionar na sistem daljinskog grijanja-faza II za potrebe JU Kantonalna bolnica Zenica i Zavoda za medicinu rada i sportsku medicinu ZDK Zenica** (otvoreni postupak javne nabavke, uz namjeru provođenja e-aukcije, tender broj:11-117/20), sa najpovoljnijom ukupno ponudenom cijenom od 124.733,73 KM, bez PDV-a, i dodjeljuje ugovor navedenom ponuđaču,

Sa odabranim ponuđačem zaključuje se ugovor na period do isteka trajanja garancije na izvedene radove u trajanju od 24 mjeseca od dana prijema izvedenih radova, i to na ukupnu vrijednost ponude od 124.733,73 KM, bez PDV-a, a nakon pravosnažnosti ove odluke.

II

Javna nabavka je provedena putem otvorenog postupka, uz namjeru provođenja e-aukcije, tender broj: 11-117/20.

III

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku radova: **rekonstrukcija postojećih vrelovoda-priključenje objekta Stacionar na sistem daljinskog grijanja-faza II za potrebe JU KBZ (TENDER BR. 11-117/20)** imenovana Odlukom direktora broj: 01-02-865-1/20 od 26.11.2020. godine podnosi direktoru JU Kantonalna bolnica Zenica izvještaj o provedenom postupku javne nabavke **radova - rekonstrukcija postojećih vrelovoda-priključenje objekta Stacionar na sistem daljinskog grijanja - faza II za potrebe JU KBZ (TENDER BR. 11-117/20)**.

Odlukom direktora broj 01-02-865/20 od 26.11.2020. godine pokrenut je postupak javne nabavke robe: **rekonstrukcija postojećih vrelovoda - priključenje objekta Stacionar na sistem daljinskog grijanja - faza II za potrebe JU KBZ (TENDER BR. 11-117/20)**, ukupne procijenjene vrijednosti 125.000,00 KM bez PDV-a na period do isteka garancije na izvedene radove, putem otvorenog postupka, a u skladu sa članom 19. st.1. Zakona o javnim nabavkama.

Komisija je utvrdila sljedeće:

- da je na portalu „E-nabavke“ dana 25.01.2021. godine, objavljeno je obavještenje o nabavci broj 669-1-3-21-3-30/21 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 11.02.2021. godine
- da je planirano zaključivanje ugovora sa jednim ponuđačem na period do isteka trajanja garancije na izvedene radove,
- da je na portalu „E-nabavke“ bilo postavljenih upita vezano za predmetnu nabavku i to:
- dana 11.12.2020. godine, potencijalni ponuđač se obratio Komisiji za javnu nabavku putem portala „E-nabavke“ sa sljedećim upitom:
Poštovani,
tačkom 2.6 TD rok izvođenja radova najduže 15 (petnaest) dana, molimo Vas za izmjenu roka tj. produženje istog na min. 40 dana iz razloga što građevinski radovi zahtijevaju min. 5-8 dana a nabavka toplotnih podstanica do 30 dana. Hvala na razumjevanju. lp,
- Komisija za javnu nabavku je dana 14.12.2020. godine odgovorila: *Poštovani, Uzimajući u obzir predmet nabavke u cjelini i neophodnost zadovoljavanja potrebe u što kraćem roku, utvrđeni rok je optimalan za izvođenje predviđenih radova. Ugovorni organ smatra da iz navedenih razloga iste ne treba mijenjati. lp*
- da je sa portala „E-nabavke“ tendersku dokumentaciju objavljenu 25.01.2021. godine, preuzelo ukupno 26 (dvadesetšest) potencijalnih ponuđača,
- da je javno otvaranje ponuda bilo dana 11.02.2021.godine u 10,00 sati
- da su na javnom otvaranju ponuda prisutvovali predstavnici ponuđača i to:
JP „Grijanje“ d.o.o. Zenica – Porča Zijad

- da je na tender broj 13-117/20, u predviđenom roku pristigla 1 (jedna) ponuda i to ponuda ponuđača:
1. JP „Grijanje“ d.o.o. Zenica

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA PONUDE
1.	JP „Grijanje“ d.o.o. Zenica	Ukupna cijena ponude (bez PDV-a): 124.733.73 KM

Napomena: kopija pristigle ponude predata na otvaranju ponuda predsjedniku Komisije radi detaljnog pregleda iste, o čemu će se pismeno uzjasniti u što kraćem roku. Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izvjava:

Ponuđač je dužan u svrhu dokazivanja lične sposobnosti (član 45. ZJN BiH) dokazati da:

- u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izvjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izvjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze (original ili ovjerenu kopiju) u svrhu dokazivanja činjenica potvrđenih u izvavi i to:

- izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izvjavu. Dokaze o ispunjavanju uslova je dužan dostaviti u roku od 7 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izvjavu iz člana 45. Zakona. Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe. Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera.

3.2. Sposobnost obavljanja profesionalne djelatnosti – u smislu člana 46. ZJN BiH:

Ponuđač je dužan u svrhu dokazivanja profesionalne sposobnosti dokazati da:

- registrovan u odgovarajućim profesionalnim registrima u zemlji u kojoj su osnovali firmu za obavljanje djelatnosti koja je predmet ove nabavke, u vrijeme predaje ponude,

U svhu dokazivanja uslova iz tačke 3.2. alineja a) ponuđač je dužan dostaviti:

- a) aktuelni izvod iz sudskog registra iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude.

Dokazi se dostavljaju kao neovjerene kopije originala s tim da datum izdavanja originala ne može biti stariji od tri mjeseca računajući od dana dostavljanja ponude. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Dokazi koje dostavlja izabrani ponuđač ne mogu biti stariji od 3 /tri/ mjeseca, računajući od momenta predaje ponude.

3.3. Ekonomska i finansijska sposobnost – član 47. ZJN BiH

Ponuđač je dužan u svrhu dokazivanja profesionalne sposobnosti dokazati da:

- a) da je **glavni transakcijski bankarski račun** ponuđača **aktivan i solventan**

U svhu dokazivanja uslova iz tačke 3.3. alineja a) ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz **Priloga 4. TD**, koja ne smije biti starija od 15 /petnaest/ dana od dana predaje ponude i dostavljanje;
- Potvrda banke ponuđača da ponuđač ima otvoren i solventan račun kod iste i da je ujedno taj račun **glavni**, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

3.4. Tehnička i profesionalna sposobnost – članovi 48. i 51. ZJN BiH

Ponuđač je dužan u svrhu dokazivanja profesionalne sposobnosti dokazati da:

- a.) uspješno iskustvo kao osnovnog ugovarača u realizaciji najmanje 1 (jednog) ugovora o izvođenju radova iz predmeta nabavke u prethodne tri godine (vrijednost ugovora minimalno 30.000,00 KM, bez PDV-a),
- b.) da ima angažovano osoblje sa obrazovnim i profesionalnim kvalifikacijama adekvatnim poslovima iz predmeta nabavke, kao i rukovodno osoblje koje je odgovorno za izvođenje konkretnih radova u periodu trajanja ugovora.

U svhu dokazivanja uslova iz tačke 3.4. alineja a) i b, ponuđač je dužan dostaviti:

- a.) spisak izvršenih ugovora o građenju u prethodne tri godine, uz potvrdu koju daje druga ugovorna strana o njihovoj realizaciji za najmanje 1 (jedan) ugovor čija je pojedinačna vrijednost od minimalno 30.000,00 KM, bez PDV-a. U slučaju da se takva potvrda iz objektivnih razloga ne može dobiti od druge ugovorne strane, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju,
- c.) Izjava ponuđača/ izvođača radova kojom potvrđuje da ima radno angažovane osoblje sa obrazovnim i profesionalnim kvalifikacijama adekvatnim poslovima iz predmeta nabavke, kao i rukovodno osoblje koje je odgovorno za izvođenje konkretnih radova u periodu trajanja ugovora.
Dostavljaju se originalne izjave/dokumenti ovjerene od strane ponuđača, s tim da izjave ne smiju biti starije od 15 dana od dana predaje ponude.

3.5. Izjave o uslovima izvođenja radova

U vezi sa uslovima i načinom izvođenja radova, ponuđač je dužan dostaviti slijedeće izjave:

- a) Izjava ponuđača o bezavansnom plaćanju u roku od **60 /šezdeset/ dana** od dana izdavanja fakture i ovjerena od strane ovlaštene osobe, saglasno tački 6.6. TD,
- b) Izjava ponuđača **o mjestu izvršenja radova**, Zgrada Stacionara, potpisana i ovjerena od strane ovlaštene osobe ponuđača,
- c) Izjava ponuđača o **roku izvođenja radova od 15 (petnaest) dana** od dana uvođenja u posao, u skladu sa tačkom 2.6. TD, potpisana i ovjerena od strane o vlaštene osobe
- d) Izjava o garantnom roku na izvedene radove od najmanje **24 /dvadesetčetiri/ mjeseca od prijema radova**
- e) Izjava ponuđača da pristaje **na elektronske narudžbe** putem mail adrese, potpisana i ovjerena od strane o vlaštene osobe
- f) Izjava ponuđača da će nakon izbora na službeni mail dostaviti elektronski popunjen obrazac za cijenu ponude, WORD DOCUMENT, Prilog broj 2,
- g) Izjava ponuđača daje rok važenja ponude **120 (stodvadeset) dana** u skladu sa tačkom 4.11. TD, potpisana i ovjerena od strane o vlaštene osobe
- h) Izjava ponuđača o prihvatanju garancije za dobro izvršenje **ugovora u visini od 10%** od vrijednosti ugovora u skladu sa članom 6.2. TD, potpisana i ovjerena od strane o vlaštene osobe
- i) Izjava ponuđača o nepromjenjivosti cijena za vrijeme trajanja ugovora,

- j) Izjava ponuđača da će izvesti viškove radova i naknadne radove na predmetu ugovora koji se pojave u toku građenja,
- k) Izjava ponuđača da prihvata dinamiku uvođenja u posao određenu od strane naručioca radova,
- l) Izjava ponuđača da će izvršiti radove u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude.

4. PODACI O PONUDI

4.1. Sadržaj ponude i način pripreme ponude

4.1.1. Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

4.1.2. Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.),
- b) Obrazac za ponudu – **Prilog broj 1 TD;**
- c) Obrazac za cijenu ponude – **Prilog broj 2 TD;**
- d) Izjava o ispunjenosti uslova iz člana 45. stav (1) tačka od a) do d) Zakona o javnim nabavkama, ovjerena od strane nadležnog organa (općinskog organa uprave, suda ili notara) – **Prilog broj 3 TD;**
- e) Obične kopije dokumenata kojima ponuđač dokazuje ispunjenost uslova iz člana 46. Zakona (aktuelni izvod iz sudskog registra)
- f) Izjava i obične kopije dokumenata kojima dokazuje da ispunjava tražene uslova iz člana 47. Zakona o javnim nabavkama (ekonomska i finansijska sposobnost) – **Prilog broj 4 TD;**
- g) Izjava ponuđača o prihvatanju garancije za uredno izvršenje ugovora u visini od 10% od vrijednosti ugovora – **Prilog broj 5 TD;**
- h) Dokumenti i izjave iz tačke 3.4 TD, kojima se dokazuje tehnička i profesionalna sposobnost – članovi 48. i 51. Zakona;
- i) Pismena izjava ponuđača iz člana 52. Zakona o javnim nabavkama ovjerena od strane nadležnog organa (općinskog organa uprave, suda ili notara) – **Prilog broj 6 TD;**
- j) Obrazac povjerljive informacije – **Prilog broj 7 TD;**
- k) Potpisan, popunjen i ovjeren nacrt ugovora – **Prilog broj 8 TD;**
- l) Izjava o prihvatanju općih i posebnih uslova tenderske dokumentacije – **Prilog broj 9 TD;**
- m) Izjave ponuđača iz tačke 3.5. TD,
- n) Obrazac garancije za uredno izvršenje ugovora (samo ukoliko koristi bankarsku garanciju kao obezbjeđenje izvršenje ugovora) – **Prilog broj 10 TD;**
- o) Original uvjerenja Vanjskotrgovinske komore Bosne i Hercegovine, Sektor za javna dokumenta, entitetske ili komore Brčko distrikta u slučaju da ponuđač podliježe primjeni preferencijalnog tretmana domaćeg;
- p) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

Napomena: Ukoliko ponuda ponuđača ne bude sadržavala sve obrasce i dokumente sa podacima na način traženim tenderskom dokumentacijom ponuda ponuđača smatraće se neprihvatljivom za ugovorni organ, i kao takva biće odbačena.

Komisija koja provodi predmetnu javnu nabavku konstatuje da je ponuđač JP „GRIJANJE“ D.O.O. SARAJEVO uz svoju ponudu u predmetu javne nabavke radova – rekonstrukcija postojećih vrelovoda - priključenje objekta Stacionar na sistem daljinskog grijanja - faza II za potrebe JU Kantonalna bolnica Zenica dostavio sljedeću dokumentaciju:

1. Naslovna strana ponuđača sa osnovnim podacima o ponuđaču, na memorandumu ponuđača, potpisani i ovjereni od strane ovlaštene osobe
2. Obrazac za dostavljanje ponude, **Prilog broj 1**, popunjen, ovjeren i potpisan od strane ovlaštene osobe
3. Obrazac za cijenu ponude, **Prilog broj 2**, popunjen, ovjeren i potpisan od strane ovlaštene osobe
4. Izjava o ispunjenosti uslova iz člana 45. Stav (1) tačka od a) do d) ZJN BiH, **Prilog broj 3**, popunjen i ovjeren od strane nadležnog organa dana 08.02.2021. godine
5. Aktuelni izvod iz sudskog registra Općinskog suda u Zenici, broj: 043-0-RegZ-21-000035 od 07.01.2021. godine,
6. Izjava o ispunjenosti uslova iz člana 47. stav (1) tačka od a) do d) i stav (4) ZJN BiH, **Prilog broj 4**, popunjen i ovjeren od strane ovlaštene osobe
7. Potvrda o ASA banke o solventnosti od 01.02.2021. godine, kopija,
8. Obrazac izjave o dostavi garancije za uredno izvršenje ugovora, **Prilog broj 5**, popunjen, ovjeren i potpisan od strane ovlaštene osobe
9. Spisak izvršenih ugovora o građenju, ovjeren i potpisan od strane ovlaštene osobe,
10. Potvrda o uredno izvršenom ugovoru – JU Kantonalna bolnica Zenica od 03.02.2021. godine, original,
11. Potvrda o uredno izvršenom ugovoru – JU Zavod za medicine rada i sportsku medicinu ZE-DO Kantona od 01.02.2021. godine, original,
12. Izjava ponuđača o radno angažovanom osoblju sa obrtazovnim i profesionalnim kvalifikacijama kao rukovodno osoblje, ovjerena i potpisana od strane ovlaštene osobe
13. Pismena izjava iz člana 52. ZJN BiH, **Prilog broj 6**, ovjerena od strane nadležnog organa dana 08.02.2020. godine
14. Obrazac za povjerljive informacije **Prilog broj 7**, popunjen, ovjeren i potpisan od strane ovlaštene osobe
15. Nacrt okvirnog sporazuma, **Prilog broj 8**, uredno popunjen, potpisan i ovjeren od strane ovlaštene osobe
16. Obrazac Izjave o prihvatanju općih i posebnih uslova TD, **Prilog broj 9**, popunjen, ovjeren i potpisan od strane ovlaštene osobe

17. Izjave ponuđača (potpisane i ovjerene od strane ovlaštene osobe) o:
- Roku plaćanja
 - Mjesto izvršenja radova- zgrada Stacionara
 - Roku izvođenja radova
 - Garantnom roku na izvedene radove - 24 mjeseca od prijema radova
 - Prihvatanju elektronskih narudbi putem -e-mail adrese
 - Odostavi elektronski popunjenog obrasca za cijenu ponude na službeni e-mail ponuđača
 - Roku važenja ponude – 120 dana
 - Garanciji za dobro izvršenje ugovora u visini od 10% od vrijednosti ugovora
 - Nepromjenjivosti cijena za vrijeme trajanja ugovora
 - Prihvatanju izvođenja viška radova I naknadnih radova na predmetu ugovora koji se pojave u toku građenja
 - Prihvatanju dinamike uvođenja u posao
 - Izvršenju radova u skladu sa tehničkom specifikacijom
 - Potvrda vanjskotrgovinske komore BiH broj: 05-05-3-27-260/21 od 29.01. 2021. Godine, da navedeni radovi zadovoljavaju uvjete za izdavanje certifikata o BH porijeklu, original

Analizom ponude ponuđača JP "GRIJANJE" d.o.o. ZENICA Komisija koja provodi predmetnu javnu nabavku je utvrdila da je ponuđač dostavio "ORIGINAL" i "KOPIJU" ponude, da je ponuđač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu:

- lične sposobnosti (u skladu sa članom 45. ZJN BiH),
- profesionalna sposobnost (u skladu sa članom 46. ZJN BiH),
- ekonomsko-finansijske (u skladu sa članom 47. ZJN BiH),
- tehnička sposobnost (u skladu sa članom 48. i 49 ZJN BiH),
- ponuđač je dostavio sve potrebne izjave iz tačke 3.5.,
- dokaze o preferencijalnom tremana domaćeg u skladu sa tačkom 4.7.TD.

Prema pregledanoj dostavljenoj dokumentaciji utvrđeno je da ista zadovoljava sve tražene tehničke specifikacije iz Obrasca za cijenu ponude i kao takva u cjelosti odgovara Ugovornom organu. Prema svemu naprijed navedenom ponuda ponuđača JP "GRIJANJE" D.O.O. ZENICA u cjelosti zadovoljava sve postavljene uslove iz TD i kao takva je prihvatljiva Ugovornom organu. U tenderskoj dokumentaciji za nabavku medicinske opreme REKONSTRUKCIJA POSTOJEĆIH VRELOVODA - PRIKLJUČENJE OBJEKTA STACIONAR NA SISTEM DALJINSKOG GRIJANJA - FAZA II u JU Kantonalna bolnica Zenica, JRJN oznaka predmeta nabavke: 45000000-7 GRAĐEVINSKI RADOVI, procjenjena vrijednost nabavke iznosi 125.000,00 KM,

Kriterij za dodjelu okvirnog sporazuma je: a) najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.
Komisija je izvršila vrednovanje ponuda kako slijedi:

RED. BR. PONUDE	PONUĐAČ	CIJENA bez PDV-a
1	JP"GRIJANJE" D.O.O. ZENICA	124.733,73 KM

Obzirom da je u predmetnoj javnoj nabavci pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, Komisija koja provodi postupak javne nabavke radova REKONSTRUKCIJA POSTOJEĆIH VRELOVODA - PRIKLJUČENJE OBJEKTA STACIONAR NA SISTEM DALJINSKOG GRIJANJA - FAZA II za potrebe JU Kantonalna bolnica Zenica jednoglasno daje preporuku direktoru JU Kantonalne bolnice Zenica da u postupku za nabavke predmetnih radova na period do isteka trajanja garancije na izvedene radove (tender broj 13-117/20) izvrši odabir ponude i donese Odluku o dodjeli ugovora na period do isteka trajanja garancije na izvedene radove ponuđaču JP „GRIJANJE“ d.o.o. Zenica kao jedinom prihvatljivom ponuđaču, sa kojim će se zaključiti ugovor na period do isteka trajanja garancije na izvedene radove na ukupnu vrijednost ponude od 124.733,73 KM bez uračunatog PDV-a.

Pregled i ocjena ponuda je završena je dana 15.02.2021.godine u 12,00 sati.

Na osnovu gore navedenog, donesena je odluka kao u dispozitivu.

Pouka o pravnom lijeku:

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.

Direktor
Prof.dr.sc prim Rasim Skomorac



